



NAMIBIE UITREIK 2018

Namibië Uitreik 2018

Dankie vir jou belangstelling in die uitreik ten bate van die Gereformeerde Kerke Van Namibië se Bedienings fonds.

Die dokument bevat inligting rakende die uitreik se geskiedenis asook die jaar se reëlings.

Ons stel jou belangstelling en betrokkenheid hoog op prys. Mag jou deelname vir jou 'n verreikende en geseënde ondervinding wees.

IN SY DIENS

–

IN SY NATUUR

–

TOT SY EER

–

VIR SY WOORD

–

IN SY OPDRAG

**VIR ENIGE
NAVRAE**

Jan Minnie

jan@janminnie.co.za

Sel 082 856 9862

Die geskiedenis

2013

Tydens 'n jaguitstappie die jaar sit 3 manne Ben van Vreden, Dr. Pieter Heystek en Jan Minnie om 'n kampvuur en gesels oor hoe lekker dit sal wees om eendag in Namibië te kan gaan jag. Hier het die uitreik begin.

Dr. Pieter het aangebied om 'n kollega van hom Dr. Theuns De Klerk van die Okahandja gemeente te nader vir advies oor waar ons lekker kan gaan jag.

2014

Ons jag reëlings was gefinaliseer en op 18 Julie 2014 om 03:15 vertrek ons opgewonde na Okahandja waar ons op die plaas OVIUMBO OOS van Ben en Petro Slabbert sou gaan jag.

Die groep het uit 8 lede bestaan (Dr. Pieter Heystek, Ben van Vreden, Flip v.d. Walt, Leon v.d. Walt, Johnny Roberts, Dawid Willemse, Werner Victor en Jan Minnie).

Ons was oorweldig deur ons gashere se ontvangs en gasvryheid. Die aande se kuier om die vuur terwyl ons uit volle bors die FAK deursing het gelei tot 'n vriendskap van 'n ander formaat.

Familie oor grense.

Die jagervaring was onvergeetlik!

Namibië se mense, natuur en water doen iets aan 'n mens wat jy nie lekker kan verduidelik nie. Jy weet net, diep binne in jou, jy soek nog.



2015

Tydens die Sinode in Potchefstroom het Dr. Pieter en Dr. Theuns weer een aand gesit en koffie drink, so sê hulle, toe Dr. Theuns vra of die groep jagters nie nog 'n slag sal wil kom jag nie. Die keer met die doel om die vleis terug te neem na Pretoria om te verkoop en sodoende die fondse in Okahandja aan te vul met die wins.

Die groep is weer byeengeroep en het soos een man ingestem. Kort daarna het die komitee begin met verkope. Die bestellings het net meer en meer geword.

Voor die jagters se vertrek het hulle reeds die volgende benodig om die bestellings te kon vervul :

Gemsbokke	x 21
Koedoes	x 12
Springbokke	x 88
Elande	x 9
Vlakvarke	x 20

Met hulle terugkeer het die jagters vir weke lank elke aand vleis verwerk en gedroog met die oog op die wildsfees wat op 29 Augustus sou plaasvind. In totaal was meer as 8 ton vleis verwerk.

Lidmate van Okahandja het na Pretoria gereis om op 'n eg Namibiese wyse die feesmaal vir die Gala Etes voor te berei.

So was ons gelei, van nog 'n geseënde jag uitstappie in Namibië tot 'n feestelike afsluiting in Pretoria met die gevolg dat die komitee geseën was met R100 000.00 om aan die Gereformeerde Kerk Van Namibië se Okahandja gemeente oor te betaal.

Wanneer daar geleenthede soos hierdie Wildsfees saam met Montanapoort kom, dan besef mens weer die grootheid van God se genade. Geloofsbande wat saambind en saam laat beleef. Gawes wat gedeel kan word en wat weer moed gee. Wat ons die voete van 'n ribbok gee om weer op hoë plekke te kom. Dankie vir julle liefde.

Dr. Theuns de Klerk

Aanhaling uit brief van Dr. De Klerk aan die Montanapoort Jagters

2016

Die jaar was geen uitsondering nie en 'n span jagters was weer op pad na Namibië.

Die Gereformeerde Kerk Namibië het 'n bedienings fonds tot stand gebring met die doel om onder andere klein, ver af geleë en kwynende gemeentes finansiëel by te staan. Die komitee onder lyding van Dr. Theuns de Klerk was die taak opgelê om deur verskeie projekte vir die doel fondse in te samel.

Die bedienings fonds het beslis dat die opbrengste van die 2016 uitreik ten bate van die Otjiwarongo gemeente sou wees.

Die projek was weer bo verwagting geseën en ons was in die vermoë om R70 000 oor te betaal.

2017

Die span vertrek op 30 Junie om 05:00, opgewonde in afwagting vir die avontuur wat wag anderkant die grense van Namibië.

Die lede van die uitreikspan was :

Dr. Pieter Heystek, Tjaart Henning, Ben Van Vreden, Fanus Heystek, Flip Bester, Johan Lyons Jan Minnie, Coenie Scheepers, Riaan Swart & Albie Van Vreden.

Anders as vorige jare, het ons nie weer deur Botswana na Namibië gereis nie maar die jaar via Upington, op pad na die plaas van Piet Alberts, Zamnarib. Zamnarib is geleë op die C21 pad tussen Kalkrand en Maltahohe.

Hier het die jagters die veld vir 5 dae aangevat en na hartelus gejag, gemsbokke, koedoes, springbokke en vlakvarke.

Dis ver jag, 300m en verder, maar dis lekker.



Kalkrand se wêreld is hard met 'n unieke natuurskoon anders as wat ons in vorige jare mee bekend geraak het.

Elke jaar is dit ons voorreg om 'n ander deel van die bekoorlike land en sy mense te leer ken, elke jaar sy eie avontuur.



Die uitreik was weer bo verwagting geseënd. Die span het na afloop van die projek R85 000 aan die Gereformeerde Kerke van Namibiese se Bedieningsfonds oor betaal.

Wie sou ooit kon dink dat ons deur ons liefde vir die natuur en jag die geleentheid sou hê om ons Vader te dien en sy Koninkryk uit te bou.

2018

Ons volgende geleentheid om die voortgang van die evangelie in ons buurland te ondersteun is om die draai. Kampvuur en jagstories, maar ook Skriflesing en gebed. Dit is alles deel van elke jagtog se avontuur en belewenis.

Tog is hierdie jagtogte anders as gewone jagtogte, want dit is nie primêr tot ons eie voordeel nie, maar tot die voordeel van die voortgang van die Boodskap van vrede en hoop en verwagting.

Dr. Theuns De Klerk, koördineerder van die Namibiese Bedienings fonds , het in soveel woorde tydens 'n telefoongesprek beklemtoon hoe maklik 'n plattelandse gemeente vergete en verlate kan voel.

Die soort interaksie en meelewing laat hulle dadelik weer deel voel en het 'n baie positiewe en opwindende uitwerking op hulle gemeente.

“Hier brand die vure ook hoog. Rooi tapyt is reg en die gemeste kalf is gereed vir slag.”
'n Aanhaling uit Dr. Theuns se baie e-posse.

Terwyl dit ons fokus is gaan ons verseker nie 'n tekort aan pret en avontuur hê nie. Wees gewaarsku, die land en sy mense kruip onder jou vel in en dit verander jou!

2018 Uitreik Besonderhede

Vertrekdatum	:	8 Junie 2018 om 05:00
Datum Terug In PTA	:	16 Junie 2018
Waar Jag Ons	:	Ons gaan die jaar die noorde van Namibie in die Grootfontein omgewing besoek.
Wildspesies	:	Eland, Gemsbok, Koedoe, Kameelperde, Rooihartebeeste en Zebras
Tipe Jag	:	Bakkie Jag, Voorsit en Stap
Vervoer	:	Vervoer word voorsien in n verskeidenheid voertuie en alle kostes is ingesluit. Die jaar sal ons naastenby 3850km reis.
Verblyf	:	Alle verblyfskoste is ingesluit. Ons oornag die eerste aand in Botswana onder weg na Grootfontein en dan weer op die laaste aand met ons terugtog.
Maaltye	:	Altyd n hoogtepunt. Alle maaltye is ook ingesluit. Ons, of ons vrouens, pak gewoonlik kosblikke vol lekkernye wat ons die eerste twee dae langs die pad geniet en uitruil. Met ons terugkeer geniet ons wegneemetes langs die pad en n lekker uiteet op ons laaste aand.
Permitte	:	Ons hanteer al die aansoeke namens jou en besorg jou permitte aan jou voor ons vertrek. Alle kostes hiervoor is ook ingesluit. Dit geld vir die volgende permitte: <ul style="list-style-type: none">• Wapen uitvoerpermit vir tot 3 wapens• Wapen deurvoerpermit vir Botswana waardeur ons reis• Wapen invoerpermit vir Namibie• Vleis invoerpermit• Invoerpermit vir velle en horings
Wildspryse	:	Elande - R32/kg Alle ander wild - R34/kg

Jagters kan na hartelus jag. Ons versoek egter dat jagters ons vooraf n aanduiding sal gee van wat hulle beoog sodat ons voldoende voorsiening kan maak vir koelwaens om die vleis mee te vervoer.

Paspoorte : Jy benodig n geldige paspoort wat ten tye van ons vertrek vir nog ses (6) maande geldig is en 3 skoon bladsye bevat.

Vuurwapenlisensie : Jy benodig n geldige vuurwapenlisesnsie vir elke wapen wat jy wil saamneem.

Pakketkoste : R9 500 per jagter betaalbaar voor 31 Maart 2018 om jou plek te verseker.

Ons kan ongelukkig net 15 jagters die jaar saamneem. Betaal dus vroegtydig.

Alle wild en kwesbokke is vir elke jagter se eie rekening en word per EFT vereffen voordat ons die plaas verlaat.

Bank Besonderhede	:	Bank	FNB
		Tak	Pretoria Noord
		Tak Kode	00251045
		Rek Nommer	55151184659
		Rekening Naam	Ben Van Vreden
		Verwysing	Jag "Naam & Van"

Stuur asb. jou betalings bewys na jan@janminnie.co.za. Met ontvangs van jou betaling sal ons vir jou al die nodige dokumente aanstuur wat jy moet voltooi vir al die permitte wat benodig word.

Dankie vir jou belangstelling, ons hoop om jou die jaar saam te neem!